

Retningslinjer for å få følgjebevis, Alver kommune

1. Formål

Ordninga med følgjebevis skal vere eit verkemiddel for å førebygge isolasjon og dermed bidra til auka livskvalitet for funksjonshemma.

Følgjebevis gir den funksjonshemma sitt følgje gratis tilgang til aktivitetar, bygningar, transportmiddel og andre som har godkjent ordninga med følgjebevis.

Følgjebevis som er tildelt av kommunen er gyldig for bruk i heile landet dei stadene ordninga aksepterast.

2. Krav til funksjonshemming

Med funksjonshemming meinast eit misforhold mellom individet sine føresetnader og miljøet og samfunnet sine krav til funksjon på område som er vesentlege for å etablere og oppretthalde sjølvstende og sosial tilverelse. Med funksjonshemming meinast som hovudregel den som treng følgje for å kunne delta i kultur- og fritidsaktivitetar på grunn av:

- rørslehemming
- høyrselssvekking
- synshemming
- utviklingshemming
- alvorleg psykisk sjukdom

Opplistinga over er ikkje uttømmande. Også andre funksjonshemmingar kan gje rett til følgjebevis.

Svekka helsetilstand på grunn av høg alder er ikkje nok for å få følgjebevis. Følgjebeviset er ikkje meint for ålmenta, men for dei få mellom oss som har nedsett funksjonsevne samanlikna med andre.

Ordninga med følgjebevis omfattar personar med funksjonshemming normalt av minst 2-3 års varigheit. Sjukdom i periodar er ikkje nok for å få følgjebevis.

4. Målgruppe og krav til alder

Målgruppa for følgjebevis er personar som utan funksjonsnedsetting hadde kunne delteke på aktivitetar, arrangement og liknande på eiga hand.

Nedre aldersgrense for søkarar er difor 8 år. Funksjonsfriske barn frå 8 års alder vil normalt kunne delta på aktivitetar/arrangement utan vaksen følgjeperson, medan barn med funksjonshemming framleis vil vere i behov for følgjeperson.

Det kan i særskilte tilfelle gjerast unntak frå den nedre aldersgrensa på 8 år. Mellom anna følgjande moment er relevante i vurderinga:

- Søknaden syner at barnet tek del på aktivitetar som andre funksjonsfrisk barn på same alder kan delta på aleine eller i grupper utan eigen følgjeperson
- Barnet er mellom 6-8 år
- Barnet har støttekontakt
- Barnet har store hjelpebehov

3. Krav til følgjeperson

Følgjeperson er den som til ei kvar tid assisterer den funksjonshemma for at denne skal kunne oppnå formålet med ordninga.

Den funksjonshemma vel sjølv slitt følgje, men følgjeperson må vere fylt 16 år.

4. Følgjebeviset

Eit følgjebevis er eit dokument i form av eit kort som vert gitt til den funksjonshemma. Mot at den funksjonshemma sjølv løyser ordinær billett, får hen ta med seg følgje gratis der følgjebevis er akseptert.

Følgjebevis er gratis å få.

Følgjebevis vert tildelt for 5 år for personar under 18 år og for 10 år for personar over 18 år. Følgjebeviset har bilete av kortinnhavar og gyldigheitsdato står på følgjebeviset.

For funksjonshemma som til tider er avhengig av fleire følgjepersonar, vil dette gå fram av følgjebeviset.

Følgjebeviset kan berre nyttast ved dei aktivitetar, bygningar, transportmiddel og andre som har godkjent ordninga, normalt ved at det offentlege symbolet/logoen for følgjekort er satt opp.



5. Krav til søknad og dokumentasjon

Den funksjonshemma søker kommunen på fastsett skjema om følgjebevis. Ved søknaden må det vere eit passfoto. Søkjarar som er ny/ukjent for kommunen bør legge ved erklæring om behov for følgje frå anten primærlege, legespesialist, offentleg godkjent helseinstitusjon.

Ved behov kan kommunen innhente uttale om behov for følgje/ assistanse frå anten primærlege, legespesialist, offentleg godkjent helseinstitusjon eller kommunen si helse og omsorgsteneste.

Det vert ikkje gjort noko økonomisk behovsprøving i samband med søknaden. Ordninga er ikkje knytt opp til om søker mottek trygd eller sosial stønad.

8. Klage

Vedtak om å innvilge eller avslå søknad om følgebevis er eit enkeltvedtak. Dette vedtaket kan i samsvar med Forvaltningsloven § 28, 2. ledd på klagast til kommunale klagenemnd.

.